



**GOVERNUN KONSTITUSIONAL BA DA-IV  
SEKRETARIA ESTADU KONSELLU MINISTRU**

---

**KOMUNIKADU IMPRENSA**

Sorumutu Konsellu Ministrus loron 15 fulan Setembru 2010

Konsellu Ministrus hala'o sorumutuk iha Kuarta-feira, loron 15 Setembru 2010, iha Sala Sorumutu, Palásiu Governu, iha Díli, no aprova tiha:

**1. Rezolusaun ne'ebé mak Aprova Sosa Ekipamentu hirak Bo'ot ba Institutu Jestaun Ekipamentu nian**

Hafoin analiza tiha proposta oin-oin ho empreza hirak nasionál no internasionál kona-ba atu sosa ekipamentu hirak bo'ot (ne'ebé fundamentál atu bele rekupera fali dalan hirak udan-ben estraga), mak Konsellu Ministrus aprova tiha ona Adjudikasaun atu sosa ekipamentu hirak presiza ba Institutu Jestaun Ekipamentu, ba empreza Bravo Internacional.

Abertura prosedimentu kona-ba aprovizamentu nian hetan aprovasaun husi Konsellu Ministrus, iha ninia Sorumutu loron 16 fulan Março foin lalais, atu bele sosa sasán hirak ne'e liu hosi azuste diretu, ne'ebé ninia valór liu osan dólar tokon tolu.

Atu hanoin de'it katak Institutu Jestaun Ekipamentu, mak nu'udar servisu Estadu nian ne'ebé mak ka'er ekipamentu, propriedade Estadu nian, ne'ebé destina ba obra konstrusaun sivil nian hirak hanesan atu halo estrada no ponte sira no obra seluk tan ne'ebé presiza, tanba hetan estragu hosi natureza.

**2. Dekretu-Lei ne'ebé mak aprova orgânika Ministériu Edukasaun nian**

Diploma ida ne'e, ne'ebé hetan aprovasaun hafoin hala'o korreksaun, ninia objetivu mak atu adapta hikas fali estrutura organizasaun nian hosi Ministériu Edukasaun nian, atu nune'e bele responde ho didi'ak nesesidade hirak hosi sistema edukativu ne'ebé mak determina hosi planeamentu no kuadru legál.

Sistema Organizasaun nian ne'e konsagra kriasaun kuadru hirak Diresaun-Jerál nian sira, estrutura hirak ne'ebé halibur-an iha setór hirak prinsipál Edukasaun nian, diresaun nasionál ne'ebé mak iha tiha ona. Foti Diresaun Rejinál nian sira sai nu'udar estrutura hirak determinante ba implementasaun politika edukasaun nian no konsagra Diresaun hirak Distritu ninian atu sai nu'udar unidade ezekeusaun no operacionalidade ba medida hirak edukativu nian.

Nune'e mak Ministériu Edukasaun, hetan estrutura funksionál no dinámika ida, ne'ebé bo'ot iha territóriu tomak no ho definisaun ida ne'ebé di'ak kona-ba ninia servisu sentrá, rejionál no distritál sira, atu nune'e bele responde di'ak liután nesiedade Eskola nian sira nomós responsabilidade hirak lei inpoen.

### **3. Dekretu-Lei ne'ebé mak Aprova Estatutu Inspesaun-Jerál Servisu nian**

Setór ekonómiku ne'ebé hetok sai bo'ot iha Timor-Leste hamosu nesiedade atu kria no fortalese instituisaun hirak governu nian ne'ebé mak ka'er misaun atu garante aplikasaun lei nian.

Kona-ba área servisu, fiskalizaun no konsiensializaun ba ema Empregadór no ema Taballadór sira Diresaun Nasionál Inspesaun Servisu (DNIT) nian ne'ebé integra iha Sekretaria Estadu Formasaun Profisionál no Empregu (SEFOPE) hala'o tiha ona promosaun. Maske nune'e, atu servisu DNIT nian sira bele hala'o ho di'ak liután no tuir Padraun hirak Internasionál nian, mak presiza estabelese Estatutu ida ne'ebé bele regula atividade hirak kona-ba inspesaun, auditoria no fiskalizaun, kona-ba informasaun no akonsellamentu, prosesamentu no rejime sansionatóriu, nune'e mós rejime karreira ba Inspetór Servisu nian sira.

Nune'e mak, Estatutu ne'e (ne'ebé Konsellu Ministru aprova no korriji) harii Inspesaun-Jerál Servisu nian (IGT). Objetivu prinsipál hosi diploma ida-ne'e mak atu aperfeisoa no fortalese Servisu hirak Inspesaun Servisu nian iha Timór nia laran tomak, hodi bele ka'er hasoru no hakat liu tiha dezafiu hirak kona-ba Estadu Direitu Ekonómiku no Sosial ne'ebé dezvoltadu ona, tuir saída mak Timor-Leste hakarak.

Konsellu Ministrus analiza tiha ona mós:

#### **1. Proposta ne'ebé hatu'o kona-ba Planu Pensaun no Apozentasaun ba Timor-Leste**

Ho objetivu atu implementa di'ak liután Planu Pensaun no Apozentasaun nian ba País ida-ne'e mak Governu husu atu hatu'o proposta ida ba iha *Industry Funds Management*. Planu ne'ebé empreza Australia nian apresenta ne'e prevee atu fó pensaun universál iha Timor-Leste, inklui traballadór hirak iha setór privadu.

Tuir ninia jéneru, prinsipiu hirak ne'ebé mak tahan proposta ne'e mak hanesan tuir mai: fundu hirak pensaun nian tenki garante hosi entidade patronál; atribuisaun penssaun nian ne'e individuál, ka tenki garante katak kontribuinte ida-idak simu ninia pensaun; estratéjia investimentu tenki sai diversifikadu; tenki adopta eskema ida úniku; tenki iha kompetisaun entre jestór oin-oin ba fundu pensaun nian sira atu bele evita monopóliu; no, ikus-liu proposta ne'ebé hatu'o ne'e hakrak atu garante governasaun ida rigoroza no transparente.